



79
Ustav

Broj: 12-23-13722-3-1/18
Zenica, 24.01.2019. godine

Na osnovu člana 69. stav (2) i člana 70. stav (4) Zakona o javnim nabavkama ("Službeni glasnik BiH" broj: 39/14) i Zapisnika o ponovljenom pregledu i ocjeni ponuda, broj: 12-23-13722-2-1/18 od 22.01.2019. godine, u otvorenom postupku javne nabavke broj: 677-1-1-7-3-1/18 od 11.09.2018. godine, ministar Ministarstva za prostorno uređenje, promet i komunikacije i zaštitu okoline, Zeničko-dobojskog kantona donosi:

ODLUKU

o poništenju postupka nabavke

I

Poništava se postupak javne nabavke opreme za tretman infektivnog otpada u zdravstvenim ustanovama na području Zeničko-dobojskog kantona, zbog toga što nijedna od zaprimljenih ponuda nije prihvatljiva.

II

Ponuda ponuđača NEWSTER SYSTEM s.r.l. Italia se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

Ponuda ponuđača ANALITIKA d.o.o. Sarajevo se u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje jer nije potpuna i ne ispunjava zahtjeve iz tenderske dokumentacije.

III

Ovom odlukom stavlja se van snage Odluka o izboru najpovoljnijeg ponuđača broj: 12-23-13722-3/18 od 08.11.2018. godine.

IV

Ova Odluka objaviće se na web stranici www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

V

Ova odluka stupa na snagu danom donošenja i zajedeno sa zapisnikom o ponovljenom pregledu i ocjeni ponuda dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama BiH.

Obrazloženje

Postupak nabavke pokrenut je Odlukom broj: 12-23-13722/18 od 07.09.2018. godine. Javna nabavka provedena je po otvorenom postupku javne nabavke za robe u skladu sa članom 25. Zakona o javnim nabavkama BiH („Službeni glasnik BiH“ broj: 39/14).

Obavještenje o nabavci broj: 677-1-1-7-3-1/18 objavljeno je na Portalu javnih nabavki 11.09.2018. godine.

Komisija za javne nabavke imenovana rješenjem broj: 12-23-13722-R/18 od 05.10.2018. godine, ugovornom organu blagovremeno je dostavila zapisnike o otvaranju i o pregledu i ocjeni pristiglih ponuda.

U predviđenom roku za dostavljanje ponuda pristigle su ukupno 2 (dvije) ponude.

Dana 08.11.2018. godine donešena je Odluka o izboru najpovoljnije ponude broj: 12-23-13722-3/18 na koju je ponuditelj NEWSTER SYSTEM s.r.l. Italia izjavio žalbu Uredu za razmatranje žalbi. Ured za

razmatranje žalbi razmotrio je navedenu žalbu i donio Rješenje broj: JH2-03-07-1-1668-9/18 od 27.12.2018. godine, kojim je poništio Odluku o izboru najpovoljnijeg ponuđača broj: 12-23-13722-3/18 i predmet vratio ugovornom organu na ponovni postupak.

Postupajući po Rješenju Ureda za razmatranje žalbi u ponovljenom postupku pregleda i ocjene pristiglih ponuda, Komisija je konstatovala da:

- Za dokazivanje sposobnosti obavljanja profesionalne djelatnosti tačkom 3.2. stav 2 tačka b) tenderske dokumentacije za ponuđače čije je sjedište izvan BiH propisano je da ponuđači dostave odgovarajući dokument koji odgovara zahtjevu iz člana 46. ZJN, a koji je izdat od nadležnog tijela prema važećim propisima zemlje sjedišta ponuđača/zemlje u kojoj je registriran ponuđač i to u originalu ili ovjerenoj kopiji i da ne može biti starije od tri mjeseca računajući od momenta predaje ponude. Ponuđač NEWSTER SYSTEM s.r.l. u ponudi, koju je predao 26.10.2018.godine, dostavio je kao dokaz registar društva, službena arhiva Privredne komore (dokument broj T278800353) Izvod iz registra društva na dan 15.05.2018.godine, iz čega se jasno vidi da traženi dokument nije dostavljen na način propisan naprijed navedenom tačkom tenderske dokumentacije, odnosno dostavljeni dokaz je stariji od tri mjeseca. Istom tačkom tenderske dokumentacije propisano je da u slučaju da se u ponudi ne dostave navedeni dokumenti u vezi sposobnosti obavljanja profesionalne djelatnosti ponuđača (član 46. Zakona) na način kako je propisano, da će ponuđač biti isključen iz daljeg učešća zbog neispunjavanja navedenog uslova za kvalifikaciju.

Tačkom 3.3. tenderske dokumentacije, za dokazivanje ekonomske i finansijske sposobnosti iz člana 47. ZJNBiH, propisano je da ponuđač mora dokazati da ima minimalno jedan aktivni bankovni račun otvoren kod komercijalnih banaka preko kojih obavlja platni promet. Kao dokaz traženo je da se dostavi u obična kopija dokumenta, koja ne može biti starija od 30 dana od dana predaje ponude. U vezi sa navedenim, ponuđač NEWSTER SYSTEM s.r.l. u ponudi koju je predao 26.10.2018.godine, kao dokaz dostavio je dokument UniCredit SPA od 17.08.2018.godine, kojim se potvrđuje da je klijent banke. Navedi dokument je stariji od 30 dana, a što je u suprotnosti sa uslovom iz naprijed citirane tačke tenderske dokumentacije.

Kod istog ponuđača, u ponudi je dostavljen samo parafiran Nacrt Ugovora, ali ne i potpisan, a što je u suprotnosti sa tačkom 5.3. tenderske dokumentacije, kojom je propisano da su ponuđači dužni dostaviti nacrt ugovora potpisan od strane ovlaštene osobe, te je potrebno i parafirati sve listove nacrtu ugovora.

Tačkom 3.4. stav 2 tačka c) za dokazivanje tehničke i profesionalne sposobnosti, propisano je da je ponuđač dužan dostaviti prospekte, kataloge, nacрте, tehnički opis i drugu tehničku dokumentaciju proizvođača sa ovjerenim prevodom od strane sudskog tumača na jedan od službenih jezika u BiH iz kojih su jasno vidljive sve tražene karakteristike ponuđene opreme. Predmetni ponuđač u prilogu ponude dostavio je tri odvojene brošure (NW50, NW 15 i NW 5) na jednom od službenih jezika u BiH, ali koje nisu ovjerene od strane sudskog tumača, nego su ovjerene samo pečatom ponuđača. Također, sve tri brošure nisu čvrsto uvezane, zbog čega je omogućeno naknadno vađenje i umetanje listova, a što nije u skladu sa tačkom 4.1.4. i 4.1.5. tenderske dokumentacije.

U Aneksu VI Opšte tehničke specifikacije u tabelama Zahtjevine minimalne karakteristike uređaja za tretman infektivnog otpada u tački 13. navedene su mješavine vrsta otpada koje sistem mora biti u mogućnosti da tretira i to između ostalog oštre predmete (igle, lancete, skalpele). U dostavljenoj ponudi ponuđač NEWSTER SYSTEM s.r.l. Italija u tabelama Zahtjevine minimalne karakteristike uređaja za tretman infektivnog otpada (na stranama ponude 90, 94, 95, 98 i 99) nije naveo da ponuđeni uređaj može tretirati i naprijed citirane oštre predmete (igle, lancete i skalpele), zbog čega ponuda neodgovara u pogledu traženih tehničkih specifikacija, jer nije jasno vidljivo da uređaj u cijelosti zadovoljava tražene tehničke karakteristike. U skladu sa tačkom 3.4. TD smatra da ponuda nezadovoljava propisane uslove.

Zbog svega naprijed navedenog ponuda ponuđača NEWSTER SYSTEM s.r.l. u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje se, jer nije potpuna i ne ispunjava zahtjeve iz tenderske dokumentacije.

- Shodno navodima iz Rješenja Ureda za razmatranje žalbi broj: JH2-03-07-1-1668-9/18 od 27.12.2018. godine dostavljene brošure nisu ovjerene od strane sudskog tumača u skladu sa članom 18. Uredbe o stalnim sudskim tumačima, odnosno u skladu sa važećim materijalnim propisom koji se primjenjuje u predmetnoj materiji.

Shodno navodima iz Rješenja Ureda za razmatranje žalbi broj: JH2-03-07-1-1668-9/18 od 27.12.2018. godine, konstatovano je da ponuđač Analitika d.o.o. Sarajevo nije neosporno dokazao da ponuđeni uređaji ispunjavaju uslov u pogledu traženog temperaturnog opsega sterilizacije (do 135° C), zbog čega ponuda neodgovara u pogledu traženih tehničkih specifikacija, jer nije jasno vidljivo da uređaj u cijelosti zadovoljava tražene tehničke karakteristike. U skladu sa tačkom 3.4. TD smatra se da ponuda nezadovoljava propisane uslove.

Zbog svega naprijed navedenog ponuda ponuđača Analitika d.o.o. Sarajevo, u skladu sa članom 68. Zakona o javnim nabavkama BiH („Službeni glasnik BiH“ broj: 39/14) odbacuje se, jer nije potpuna i ne ispunjava zahtjeve iz tenderske dokumentacije.

Na osnovu gore navedenog Komisija je jednoglasno predložila ugovornom organu, da donese Odluku o poništenju postupka javne nabavke zbog toga što nijedna od zaprimljenih ponuda nije prihvatljiva, a sve u skladu sa članom 69. stav (2) tačka d) Zakona o javnim nabavkama ("Službeni glasnik BiH", broj:39/14).

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđačima koji su učestvovali u postupku javne nabavke.

Pouka o pravnom lijeku:

Protiv ove Odluke može se izjaviti žalba Ministarstvu za prostorno uređenje, promet i komunikacije i zaštitu okoline Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x Ponuđačima,

1 x a/a

